



Број/Број: 01/4-50-1-4-69/10  
Сарајево/Сарајево, 1.9.2010.

## Z A P I S N I K

### **69. sjednice Komisije za finansije i budžet Predstavničkog doma Parlamentarne skupštine BiH, održane 31.8.2010., od 10 do 11 sati**

Sjednici Komisije prisustvovali su članovi: Sadik Bahtić, Velimir Jukić, Drago Kalabić, Salko Sokolović i Bajazit Jašarević.

Sjednici nisu prisustvovali: Lazar Prodanović, Adem Huskić i Zlatko Lagumdžija, članovi Komisije.

Sjednici su, također, prisustvovali: Vlatko Dugandžić, pomoćnik ministra za budžet, i Naida Čaršimamović iz Ministarstva finansija i trezora BiH, Samir Mušović, konsultant USAID PSP u BiH/SPEM 3, Ivana Smiljanić, asistent za finansije i budžet u ime Projekta USAID PSP u BiH, Zoran Brkić, viši stručni saradnik u Sektoru za odnose s javnošću, te Željko Kosmajac, sekretar, i Muhameda Humačkić, stručni saradnik pri ovoj komisiji.

Od predstavnika medija sjednici je prisustvovao: Kenan Ćosić, novinar TV1.

Za sjednicu je predložen sljedeći

### **DNEVNI RED**

1. Usvajanje Zapisnika 68. sjednice Komisije;
2. Razmatranje Informacije o zakupu institucija BiH u Budžetu za 2010. godinu, materijali br: 01-50-3-807/10, od 28.6.2010., i 01,02-50-3-807-3/10, od 8.7.2010. (podnosilac: Vijeće ministara BiH);
3. Tekuća pitanja.

Predloženi dnevni red jednoglasno je usvojen.

#### **Ad.1. Usvajanje Zapisnika 68. sjednice Komisije**

Komisija je jednoglasno, bez primjedbi, usvojila Zapisnik 68. sjednice.

#### **Ad.2. Razmatranje Informacije o zakupu institucija BiH u Budžetu za 2010. godinu, materijali br: 01-50-3-807/10, od 28.6.2010., i 01,02-50-3-807-3/10, od 8.7.2010. (podnosilac: Vijeće ministara BiH)**

Vijeće ministara BiH dostavilo je, 28.6.2010., Predstavničkom domu Informaciju o zakupu institucija BiH u Budžetu za 2010. godinu, Obavještenje Vijeća ministara BiH, broj: 05-07-1-1708-27/10, od 10.6.2010., te ugovore o zakupu institucija BiH.

Također, Vijeće ministara BiH dostavilo je, 8.7.2010., Predstavničkom domu Obavještenje o Informaciji o zakupu institucija BiH u Budžetu za 2010. godinu, kojim se strana 15. Informacije briše i ne predstavlja njen sastavni dio.

Nakon uvodnog izlaganja predsjedavajućeg Komisije, detaljno obrazloženje Informacije dao je Vlatko Dugandžić, pomoćnik ministra za budžet Ministarstva finansija i trezora BiH.

U raspravi koja je uslijedila učestvovali su članovi: Bajazit Jašarević, Sadik Bahtić, Velimir Jukić i Drago Kalabić, te Vlatko Dugandžić, pomoćnik ministra za budžet, i Samir Mušović, konsultant USAID PSP u BiH/SPEM 3.

U raspravi su zaključke predložili: Sadik Bahtić, Velimir Jukić i Bajazit Jašarević, članovi Komisije.

Nakon rasprave predsjedavajući Komisije konstatirao je da je Komisija Informaciju o zakupu institucija BiH u Budžetu za 2010. godinu, s Obavještenjem Vijeća ministara BiH o Informaciji, primila k znanju, te je uputila Predstavničkom domu u daljnju proceduru.

Također, Komisija je jednoglasno usvojila i predlaže Predstavničkom domu da usvoji sljedeće zaključke:

1) Predstavnički dom Parlamentarne skupštine BiH traži od Vijeća ministara BiH da u najkraćem roku usvoji Prijedlog odluke o odobravanju projekta nabavke/izgradnje zgrada za smještaj institucija BiH, koju je predložilo Ministarstvo finansija i trezora BiH, kojom bi se odobrio projekat nabavke dva objekta približno od po 2.000 m<sup>2</sup> u Banjoj Luci i Mostaru i projekat izgradnje objekta u Sarajevu, površine oko 10.000 m<sup>2</sup>, radi rješavanja problema prioritnog smještaja pojedinih institucija BiH.

2) Predstavnički dom Parlamentarne skupštine BiH traži od Vijeća ministara BiH da izradi plan racionalizacije i smanjenja troškova zakupnina poslovnih prostora, stanova, skladišnih prostora, parking-prostora, prostora za smještaj telekomunikacijske opreme, zemljišta i opreme, koje plaćaju institucije BiH.

3) Predstavnički dom Parlamentarne skupštine BiH traži od Vijeća ministara BiH da izradi i dostavi strategiju za rješavanje problema zakupa na nivou institucija BiH s utvrđenim prioritetima, nosiocima obaveza i dinamikom realizacije, a koja će posebno tretirati: standarde zakupa, visinu zakupnine, zakupe u DKP mreži i Ministarstvu odbrane BiH.

4) Predstavnički dom Parlamentarne skupštine BiH traži od Ureda za reviziju institucija BiH da u izvještaje o reviziji finansijskog poslovanja institucija BiH za 2010. godinu uvrsti posebno poglavlje koje će se odnositi na kontrolu zakupa poslovnih prostora, stanova, skladišnih prostora, parking-prostora, prostora za smještaj telekomunikacijske opreme, zemljišta i opreme institucija BiH.

### **Ad.3. Tekuća pitanja**

U okviru ove tačke dnevnog reda nije bilo dodatne rasprave ni prijedloga.

**Sekretar Komisije**  
Željko Kosmajac

**Predsjedavajući Komisije**  
mr. ecc. sc. Sadik Bahtić

Prilog:

-neautorizirani transkript 68. sjednice Komisije